

Anak Sungai Udang dinaik taraf

SELAYANG - Sebanyak RM10 juta diperuntukkan kerajaan negeri di bawah caruman parit untuk projek naik taraf anak Sungai Udang bagi mengatasi masalah banjir kilat.

Jurutera bahagian Saliran Mesra Alam Jabatan Pengairan dan Saliran Selangor, Ir Ong Hon Lim berkata, projek itu melibatkan penstabilan tanah dan pelebaran sungai sepanjang 450 meter.

"Tebing akan dikukuhkan melalui pemasangan konkrit dan pelebaran ditambah dari dua meter kepada tiga meter.

"Tiada pengambilan tanah di-

lakukan untuk projek ini tapi pengusaha berhampiran diminta mengosongkan rizab sungai untuk memudahkan kerja naik taraf," katanya kepada *Sinar Harian*.

Menurutnya, dijangka projek bermula April ini dan kini sedang dalam proses iklan tender. Naik taraf itu dijangka mengambil masa selama setahun.

Selain naik taraf sungai, pembersihan halangan juga akan dilakukan secara berkala.

Dalam masa terdekat, projek naik taraf sungai Kuang dan Kundang bakal dilaksanakan.



Anak Sungai Udang yang akan dinaik taraf bagi atasi masalah banjir.